



Kunngi

naapissarink?

**Kunngimik oqaluttuaq
ilumoortoq.
Kunngi taanna
inunngunngikkallaramili
piuvoq.**



Qangarsuaq nunami ungasittorsuarmi arnaqarpoq Mariamik atilimmik. Maria inuusuttuuvoq. Pisuujunngilaq tusaamasaanilu, kisianni soqutiginngilaa. Tassami uissiani Josefi qanittukkut katittussaavaa, tamannalu qilanaarivaa.

Ilaanni pulaartoqarpoq. Pulaartua tassa inngili Guutimeersoq, Guutimit oqariartortitaq.

Maria ersilerpoq. Illit aamma inngilimik takusuuguit ersilissagaluarputit!

Kisianni inngili oqarpoq: "Ersissanngilatit! Guutip immikkut qinersimavaatit."

Qanormitaava qinigaasimava?

"Meerartaassaait," inngili oqarpoq. "Jiisusimik ateqassaaq. Guutip ernerivaa - kunnjuvoq."

"Qanormi?" Maria tupalluni aperaaq.

"Suli katinnikuunngilanga!"

"Guutimut ajornanngilaq," inngili nassuiaavoq.

"Tupinnartumik pisoqassaaq. Anersaap Illernartup naartulersissavaatit."

"Guutip kissaatigippagu qanorluunniit iliornissamut piareersimavunga," Maria akivoq.


Inngili aallarmat Maria eqqarsaatigisassanik ulikkaarpoq:

... meerartaalerpoq

... Guutip erneranik

... kunnjip erneranik!

Guuti erneqarpoq Jiisusimik atilimmik. Jiisusi nunarsuarmut pinngikkallarami ataatani Qilammi ilagivaa. Nunarsuaq pinngortinneqarmat aamma qilammiip-poq. Biibilimi atuarsinnaavarput: "Suut tamarmik taassumuna pinngorput ..."
(Iivangiiliu Johannesip Allagaa 1,3)



Maria Josefilu katipput, piffissarlu ingerlavoq. Maria erninnaq ernisussanngorpoq, kisianni ernitinnani Josefilu marluullutik aallartussaapput.

Maria angalanissamut nukissaqarpallaanngilaq, kisianni aallartariaqarpoq. Kaasari inunnik kisitsiumalluni naalakkiisimagami. Tassagooq naalagaaffimminiittut inuit tamaasa kisinniarumigit. Taamaattumik Mariakkut Biilliimimukartariaqarput.

Maria Josefilu 120 km-it missaanni angalapput. Illoqarfimminnit Nazaretimiit Biilliimimut. Immaqa pisupput, immaqa Maria siutituumi qimuppoq.

Biilliimimi inoqaqaaq. Aappariinguit qasoqaat, allamillu unnuiffissaarukkamik uumasuutit inaanni sinittariaqarput.

Unnuaq taanna kunngip erneru inunngorpoq. "Jiisusimik ateqarpoq," Mariakkut Josefilu isussupput, tippimillu immuppaat, nersussuillu nerisarfianut ilillugu.

Josefip nalunngilaa Jiisusi ernerinagu, kisianni Jiisusi paarisinnaagamiuk nuannaarpoq. Inngilip Josefi oqaluttuusimavaa meeraq Guutip ernerigaa. Oqarsimavoq: "Jiisusimik ateqassaaq, inuit annaatissagamigit ajortaannit."

Qanoq ililluni inuit ajortaannit annaatissagamigit? Josefip tamanna naluaa.

Guutip asavaatigut. Taamaattumik ernini Jiisusi nunarsuarmut aallartippaa. Guutip suut tamaasa nalunngilai. Nalunngilaa uagut Jiisusimit ikiorneqarnisarpit pisariaqartikkippit. Ajorti pissutaalluni Jiisusimit annaanneqartariaqarpugut. Ajorti isumaqarpoq inuunitsinni ajortut. Sallugutta imaluunniit tillikkutta ajortuliusaagut.



Inuit Biilliimimiut kunngip ernera naluat. Kisianni Guutip inngili aallartippaa oqaluttuariartortillugu. Savanik paarsisut oqaluttuukkiartorpai.

Inngili kaajallallugu qaamaneqarpoq. Savanik paarsisut ersilerput, soorlu taamani Maria ersisoq.

“Ersissanngilasi,” inngili oqarpoq. “Nuannersumik oqaasissaqarpunga, ilissinnut inunnullu tamanut nuannersoq. Annaassisoq Biilliimimi inunngorsimavoq, kunngiuvoq. Uumasuutit nerisarfianniippoq.”
Unnuaavoq, kisianni tassangaannaq suna tamarmi qaammarpoq. Inngilerpasuit takkuppet Guutilu qujaffigivaat ernini inunngortissimmagu.

Inngilit qilammut utereermata savanik paarsisut imminnut oqaluutilerput. “Meeraq ujartigu,” oqarput. Biilliimimukaramik Jiisusi uumasuutit inaanniittooq nanivaat.

Guutip assut asavaatigut. Taamaattumik toqugutta qilammut pisikkusuppaatigut. Qilammi ajorteqanngilaq - tassani suna tamarmi ajunngilaq. Taamaattumik annoanneqarnissoq pisariaqartipparput - ajortivut piarneqartari-aqarput. Jiisusi upperigutsigu annoanneqassaagut. Taamaattumik Jiisusi Annaassisunnguamik taaneqartarpoq.

Savanik paarsisut nukappiaranguaq isigivaat. Nuannaqaat nalunnginnamikku tassaasoq annoassisortik kunngertillu.

Angerlamut aqutaani naapatitak oqaluttuuppaat: “Meeraaraq tassa Guutip ernera, Guutip neriorsuutigini kusaa. Annaassisuuvoq! Kunngiuvoq!”
Juullisiorangatta Jiisusi inuuisiortittarparput.






Jiisusi kunngip ernerigamiuk ulorianartorsiortarpoq.

Nunami kunngiusup Herodesip kunngimik inunngortoqarsimanera nuannarinngilaa. Taamaattumik Jiisusi toqunniarsarivaa. Kisianni saperpaa, tassami Guutip ernini paarigamiuk. Guutip Jiisusi aallartippaa inuit ajortaannit annaakkumallugit - inuup allap inuit annaassinnaangilai.

Jiisusi Nazaretimi alliartarpoq, Maria Josefilu najorlugit. Nukappiaqqat allat assigivai. Atuarneq allannerlu ilikkarpai. Immaqa qisunnik sanasalerpoq, Josefi sanasuugami. Jiisusip qatanngutini kammalaatinilu pinnguaqatigisarpai. Nuannaartarpoq, aliasuttarpoq, pissangasarpog, kiserliortarpoq anniartarlunilu.

Kisianni allaaneruvoq. Qatanngutini kamaanneq ajorpai. Tamatigut naalattarpoq, pitsaasarpog, allat ikiortarpai ilumoortarlunilu. Eqqarsaatai allaat ajunngittuannarpot. Jiisusi kisimi ajortuliunngisaannarpoq!



Jiisusi inersimasunngorami nunami angalaa-lerpoq. Guuti pillugu oqaluttuurtarpoq Guutilu kisimi sapinngisaanik tupinnartuliortarpoq.

Ullut ilaanni angut pisussinnaanngitsoq misigisaqarpoq. Kammalaatai sisamat oqarput: "Jiisusimukaatissavat-sigit."

Nallavimmittoq akiarlugu ingerlappaat. Kisianni illumut Jiisusip pulaarfianut pigamik inoqangaarmat isersinnaanngillat.

Kisianni kammagiit tunniinnanngillat. Illup qaavanukaappaat. Illup qalia putoriarlugu pisussinnaanngitsoq illup iluanut ningippaat.


Jiisusi qanoq iliorniarpa?

Jiisusip angut isigivaa, takuaalu marlunnik ajornar-torsiuteqartoq. Oqarfigaa: "Erneq, ajortinnik isumak-keerfigineqarputit."

Inuit illumiittut ilaat eqqarsarput: "Qanoq!? Guuti kisimi ajortinik isumakkeerfiginnissinnaavoq!" Ilumoorput, kisianni naluaat Jiisusi Guutiullunilu inuusq.

Taava Jiisusi oqarpoq: "Nikuigit. Nallaviit tigu-juk ingerlallutillu." Angut ingerlaannaq nikuippoq pisullunilu! Ulloq taanna Jiisusip angut taanna marlun-nik tupinnartuliorfigaa.

Isumakkeerfigine-qarneq isumaqarpoq ajortuliakka akornuti-giunnaarikka. Guutip ajortuliatit takusin-naajunnaassavai. Guuti ima oqarnikuuvoq: "Isumakkeerfigisagakkit ajortuliaaallu eqqaaqqinnagit." (Biibilimi Jeremiap Allagaani 31,34-mi al-laqqavoq).



Inuit ilaasa Jiisusi upperivaat malillugulu. Allat tupinnartuliai nuannariinnaapaat, kisianni inuunerminni kunngigerusunngilaat. Allallu uumigivaat, oqartarmat Guuti ataatalugu.

Ullut ilaanni Jiisusi tigusaavoq. Akeraasa toqutassanngortippaat. Piumasuuguni qimaasinnaagualarpoq. Kisianni qimaannigilaq nalunnginnamiuk uagut pilluta toqunissi Guutip piumasarigaa.

Sakkutuut paarsisut illaatigivaat. Niaqorut kapinartoq Jiisusimut atitippaat. Qale-ruaq atitippaat, tilluppaat oqarpullu: "Ha, ha, juutit kunngiat!"

Sakkutuut Jiisusi illoqarfiup silataanut qattunermukaappaat. Tassani sanninga-sulimmut kikiattorpaat. Sanningasulimmut allagartaq nivinngarpaat imaattoq: "Jiisusi Nazaretimiu, juutit kunngiat."




*Guutip uatsinnut asannin-
nera pissutaalluni Jiisusi
ajortivut pillugit toquvoq.
Taamaasilluni Jiisusip
toqugutta qilammukarsin-
naanngortippaatigut. Jiisu-
sip tamanna nalunngilaa,
nammineq aalajangerpoq
toqutaajumalluni, taamaa-
silluni uagut tupinnartumik
periarfissippaatigut.*

Inuit Jiisusi sanningasulimmiittoq isigivaat. Ullup qeqqanut taartuinnangorpoq. Akun-
nerna pingasuni suna tamarmi taartuin-
naavoq, pissutigalugu Guutip ernini pillara-
miuk uagut ajortivut pillugit.

Tassanngaannaq Jiisusi suaarpoq: "Naam-
massivoq!" Toquvorlu.

Jiisusip kammalaataasa ilaasa timaa qaa-
rusummut ilivaat. Kunngiutikkusukkaluar-
paat, kisianni maanna toqusimavoq.

Nunami naalagaasut qaarummut iser-
toqaqqunngilaat. Taamaattumik isertarfia ujarassuarmik assertippaat. Sakkutuunik
paarsisulerneqarpoq. Ulloq taanna takivoq nuanniillunilu.




Ullut pingasut qaangiummata ullaaralaakkut nuna sajuppoq. Inngilip ujarassuaq
qaarusuup isertarfianiittoq peerpaa, Jiisusip ilerra ammarlugu. Paarsisut ersil-
lutik qimaapput.

Arnat ilaat ilivermut alakkaapput. Kisianni inngilip oqarfagai: "Maaniinngilaaq,
makissimavoq - qaallusi takusiuk!" Arnat alakkarpaat, aamma kingusinnerusuk-
kut Jiisusip kammalaataasa Petrusip Johannesillu takusarpaat. Jiisusi peqanngi-
laq. Sumiippa?

Jiisusi uummaqquissimavoq ilivermiillu makissimalluni. Taamaattumik poorski-
siortarpugut..

Ulluni tulliuuttuni inuppassuit Jiisusi naapippaat. Jiisusip kammalaataasa ilaata,
Maria Magdalenap Jiisusi naatsiivimmiittoq naapippaa, ilerrup eqqaani.

Kammagiit marluk aneerlutik Jiisusi naapippaat ingerlaqatigilerlugulu. Sivisuu-
mik ingerlareerlutik aatsaat malugivaat ingerlaqatertik tassaasoq Jiisusi.
Kingusinnerusukkut Jiisusip ajoqersugai illumi ataatsimoorput. Tassannga-
narlu Jiisusi inimut tassunga pivooq. Aamma tatsip eqqaani naapippaat ullaak-
korsioqatigalugulu. Ullut 40-t ingerlanerini inuit 500-nit amerlanerusut Jiisusi
takuat. Jiisusi uumavoq, qaquguluunniillu toqoqqinngisaannassaaq.



Ullut ilaanni Jiisusi kammalaatinilu qaqqamukarput. Jiisusi oqalutsilluni qangattarpoq, qullariartorlunilu. Kammalaataasa isigivaat. Naggataatigut nuissap Jiisusi asserpaa.

Qummut isigitillugit inngilit marluk takkupput. Ima nassuiaappaat: "Qilammut uterpoq, ullullu ilaanni taamaalilluni uteqqikkumaarpoq."

Jiisusi qilammut apuukkami qanoq tikilluaqqusaanersoq takorloorsinnaaviuk? Nuannersimassaqaq!

Jiisusi qilammiikkaluarpoq, maannakkullu takusinnaangilarput, kisianni narsuarmi maani ilagivaatigut. Immaqa Jiisusi upperivat, immaqalu Jiisusimut qinusarputit. Imaluunniit qanoq ilionnissat naluleqqavat, immaqa Jiisusi oqarfigerusukkaluarpat. Paasissavat Jiisusi tusarnaartuaannartoq.

Jiisusi oqarfigerusukkukku ima oqarsinnaavutit:

"Asasara Jiisusi, uppererusuppakkit. Ajortuliannik isumakkeerfiginnga. Ajunngitsuliornissannut ikiunnga. Qujanaq uanga pillunga toqgavit."

Taamatut oqarlutit imaluunniit assigisaanik oqarlutit qinuguit annaanneqasfaatit. Guuti taamatut neriorsuuteqarnikuuvoq. (Paulusip Ruumamiunut Allagai 10:13)

Jiisusi oqarfigigukku upperiumallugu, taava inuuneq nutaaq aallartissaaq.

Kisimiinngisaannassaait. Jiisusi oqarnikuuvoq: "Iperassanngilakkit immiiniinngissanallu." (Hebræerinut Allakkat 13,5). Kunngivit tamatigut ilagisassavaatit. Qaquguluunniit sumiluunniit Jiisusimut qinusinnaavutit. Piffissap ingerlanerani Jiisusi ilikkarnerujartuaassavat.

Ajunngitsuliorneq ajornarsinnaavoq, kisianni Jiisusip ajunngitsuliortarnissannut ikiussavaatit. Biibilimi allaqqavoq: "Tamaasa pissatsitsisikkut atussallugit sapinngilakka." (Paulusip Filippimiunut Allagai 4,13). Isumaqarpoq Jiisusi ilagigukku ajornartorsiutit tamaasa qaangersinnaagitit.

Jiisusi upperigaluarlugu ilaannikkut ajortuliortarpugut. Ajortuliorsimaguit Jiisusimut oqaluttuarina - taava isumakkeerfigissavaatit. Biibilimi allaqqavoq "Ajortivut anngiaatigutsigit taanna ilumoortuullunilu iluartuuvoq, tassa ajortitsinnik isumakkeerfigissavaatigut..." (Johannesip Allagai Siulliit 1,9). (Anngiaarneq isumaqarpoq ajortuliavut nassuerutigalugit, oqaluttuaralugit).

Biibilimi atuaruit Guutip Jiisusillu ilinnut asanninnerat paasisaqarfigissavat.

Jiisusi Annaassisuuvoq. Isumaqarpoq Jiisusi upperigutsigu aatsaat isumakkeerfigineqarluta annaanneqarsinnaasugut. Aamma Jiisusip kisimi ajortuliunnginnissatsinnut ikiorsinnaavaatigut. Taamaattumik Jiisusi kisimi Guutimut Qilammullu aqutaavoq.

Atuagannuaq una Evangelisk Børnemission, Kalaallit Nunaannilu ilagiit imminnut ingerlatittut suleqatigalugit saqqummersitaavoq.

Evangelisk Børnemission nunarsuaq tamakkerlugu kristumiut suliniaqatigiiffigaat, oqaluffimmut aalajangersimasumut pituttorsimanani suliaqartuuvoq. Suliniaqatigiiffiup meeqqat Biibilimit ilinniartinneqarnissaat siunertaraa.

Ilagiinnut kristumiuusunut meeqqanulluunniit sammisaqartitsisartunut attaveqarusukkuit, atuagaaqqamik matuminnga saqqummersitsisut uunga saaffigisinnaavatit:

Ebenezer

box 277
3900 Nuuk

INO

box 67
3900 Nuuk

Meet the King ©, Child Evangelism Fellowship of Europe. All right reserved.

ISBN 978-87-993849-0-7

Tuluttut atuakkiortoq: **Jennifer Haaijer**

Titartaasoq: **Tim Shirey**

Assiliartalersorlugu aaqqissuussisoq: **Brent Hautle**

Pilersaarusiamik ataqatigiissaarisoq: **Bogdan Bassara** CEF European Centre, Multimedia Department

Kalaallisuunngortitsisoq: **Elin Neshamar**

Kalaallisut saqqummersitamik ilusilersuisoq: **Per Hansen** mail@giraffe.dk



hjemmeside for børn

opdagnyt.dk